

**SECONDA SESSIONE URDINARIA DI U 2022**  
**RIUNIONE DI I 30 E 31 DI MARZU DI**  
**2023**

**2EME SESSION EXTRAORDINAIRE DE 2022**  
**REUNION DES 30 ET 31 MARS 2023**

2023 / 01/024

**REPONSE DE MONSIEUR GUY ARMANET A LA QUESTION DEPOSEE PAR MONSIEUR  
ANTOINE POLI AU NOM DU GROUPE AVANZEMU**

**Objet : Taxe générale sur les activités polluantes (TGAP)**

Signora Presidente,  
Caru Cunsigliu,

Vi ringraziau pè a vostra dumanda chì mette à u centru di u discorsu a situazione difficile pè i nostri territorii di pettu à a prublematica di e rumenzule. Ghjè una preoccupazione di prima trinca pè u Cunsigliu esecutivu di Corsica.

Mi permette di fà un puntu d'attualità annant'à a prublematica imposta dà a Tassa Générale di l'Attività Pulluante (TGAP).

Forse sapete chì issa tassa ghjè un impositu adattu à l'attività pulluante, oltre à a gestione di e rumenzule.

Sè l'adasgiu « quello chì imbruta hè quello chì paga » messu in piazza à u principiu pò esse virtuosu, vi vogliu ramintà chì, incità finanziariamente à sminuì a suttarera di i scarti, mà dinù a so incinnarera senza valorizzazione energetica, à prò d'altri mezi di trattamentu (riduzione di i scarti, riciclera, rimpiegu...), u custattu di l'adestu di a TGAP ghjè inapellvule è ricunnosciutu dà tutti l'attori territoriali : issa tassa ghjè inghjusta è inefficace.

Insomma ancu di più l' EPCI chì anu digià bilanci finanziariii sensibili.

Cumu l'avia digià sottulineatu, i paesi di « l'altri mari » ponu ghjuvà si di parechje calate di prezzi impurtantissime. Intantu, incù u sguardu chè nò pudemu avè oghje, si pò dì chì iss'adesti fermanu più chè deficienti è e prospettive assai affannose.

A carica di a TGAP s'hà dà impeghjurà per causa di l'umentu programmatu di i baremi è a perenisazione di e calate di i prezzi fatta à i paesi di « l'altri mari » pare più chè incerta.

Sè a pusizione di u Statu ghjè d'un cunsiderà a revisione di u baremu di a TGAP, ne mancu a sminuzione o l'arrestu di l'umentu d'issa tassa, siate sicuru chì a nostra vulintà fermerà sana è chè nò cuntinueremu senza lentà i nostri sforzi per a ricunniscenza di un adestu specificu di a TGAP.

Bella sicuru, a tematica face parte di u travagliu pè custruì un statutu fiscale pè a Corsica in giru à u pruceddu d'autunumia.

A ringraziavvi !